



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Senonen. Archiepiscopo.

urn:nbn:de:hbz:466:1-20006

LVCEN. EPISCOPO,
Abbat. de Melon. & Petro Iohanni
Archidiacon. Astoricens.

Epist. 60.
Super causa
cognitione qua
inter Auriem.
Episcopum &
Abbatem Cel-
le novæ verti-
tur, quem dice-
bat sibi lege
diocesana sub-
jectum.

Cum dilecti filij F. Auriem. Decanus nuncius venerabilis fratris nostri Auriem. Episcopi, & magister Robertus monachus Cellæ novæ & Abbatis sui nuncius, ad sedem apostolicam accessissent, nos eis dilectum filium P. sanctæ Mariæ in via lata diacon. Card. concessimus auditorem: coram quo fuit ex Episcopi parte propositum, quod cum idem Episcopus Abbatem sibi lege diocesana subjectum vocasset ad synodum, ipse non solum non accessit ad ipsum, immo etiam sancti Petri & sanctæ Columbæ Prioribus & Archipresbytero Cauca in Auriem. diocesi constitutis prohibuit, ne ad ipsius Episcopi synodum accedere attentarent, licet etiam vocarentur. Cumque dictus Episcopus, ut saltem humiliter Abbatem ad bonum obedientiæ revocaret, & vinceret in bono malum, ipsi mandasset ut eum ad statutum terminum in monasterio expectaret, licet Episcopus illuc, juxta quod promiserat, accessisset, Abbatem non reperit, & portas monasterij clausas invenit, nec ad monachos ei aditus est concessus, propter quod Abbatem suspendit, & monasterium interdixit. Verum cum nec propter hoc Abbas ipse à suo contumaciæ proposito resiliret, nec latus in se ac monasterium sententias observaret, in eum excommunicationis sententiam promulgavit, quam dictus Episcopi nuncius à nobis petiit confirmari. Ceterum nuncius partis adversæ petitionem ejus non esse admittendam proposuit: quia licet monasterium ipsum infra metas Auriem. diocesis sit constructum, liberum tamen semper extitit, & ab omni jurisdictione ac jugo Auriem. Ecclesiæ à tempore suæ foundationis exemptum. Præterea si Episcopus aliquam in eo (quod verum non erat) jurisdictionem haberet, quia tamen Abbas ab omni gravamine prius ad sedem apostolicam appellat, sententiam in eum & monasterium postmodum laram, nullam idem nuncius obtinere asseruit firmitatem. Conquestus est etiam idem nuncius ex parte Capituli Cellæ novæ, quod dictus Episcopus Abbatem eorum adeo circumvenit, quod contra immunitatem ipsius Ecclesiæ ipsis nescientibus ei obe-

dientiam repromisit. Nos igitur super prædictis per memoratum Cardinalem instructi, quia causa ipsa in nostra non poterat præsentia terminari, utpote cum nuntius monasterij super procuratione vel ratihabitione literas non haberet, eam vestro duximus examini committendam; discretioni vestræ per apostolica scripta mandantes, quatenus si vobis constiterit Abbatem ipsum ad sedem apostolicam super hoc antè quàm Episcopus in eum suspensionis vel excommunicationis & in monasterium interdicti sententias tulerit, legitimè appellasse, vel monasterium esse à jurisdictione ipsius Auriem. exemptum, eo non obstante quod Abbas ab Episcopo (sicut dicitur) circumventus, præter fratrum suorum assensum ei obedientiam repromisit, cum fraus & dolus ei patrocinari non debeant, sententias illas judicetis appellatione remota penitus non tenere: alioquin faciatis eas per censuram ecclesiasticam inviolabiliter usque ad satisfactionem congruam observari. Quod si forsitan Abbas ipse in exemptionis probatione defecerit, nec legitima se poterit præscriptione tueri, licet probet se ante prædictas sententias appellasse, nihilominus tamen monasterium ipsum Auriem. judicetis Ecclesiæ subjacere, in cujus diocesi est fundatum. Similiter eo in appellationis probatione deficiente, si vobis de exemptione vel legitima præscriptione constiterit, tam Abbatem quàm monasterium ab ejusdem Episcopi & Ecclesiæ ipsius super hoc impetitione penitus absolvatis, & faciatis quod decreveritis per censuram ecclesiasticam inviolabiliter observari, in mandato apostolico subl. appellationis obstaculo procedentes. Quod si omnes &c. Datum Lateran. vij. Kalend. Aprilis.

SENONEN. ARCHIEPISCOPO.

Qvanto excellentius personam tuam speciali prærogativa meritum & sacrarum scripturarum intelligentia divina bonitas illustravit, tanto efficacius in his quæ honestatem seu æquitatem continent, tibi favorem apostolicum volumus impertiri, & te in justis petitionibus exaudire. Ex continentia siquidem literarum tuarum, quas audita promotione nostra per nuntium tuum nobis dirigere festinasti, aposto-

Epist. 61.
De irritatione
cujusdam in-
dulgentiæ, quam
Episcopus Car-
noren. à Do-
mino Celesti-
no in ipsius Ar-
chiepiscopi
præjudicium
impeccerat.
Vide infra lib.
2. epist. 60. &
Tertiam Col-
lect. lib. 1. Tit.
17. cap. 1.

latui nostro patenter innotuit quòd venerabilis frater noster Carnoten. Episcopus quadam indulgentia quasi à sede apostolica impetrata, quam de conscientia bonæ memoriæ C. prædecessoris nostri vix credimus emanasse, contra te uti præsumit: per quam tibi subtrahitur iurisdicção absolvendi eos qui ab ipso sunt excommunicationis vinculo innodati, nisi prius sub examine dilectorum filiorum Columbensis & sancti Germani de pratis Abbatum discussum fuerit utrum ipsi excommunicati de jure sint absolvendi, propter quod honori tuo & dignitati Ecclesiæ tuæ non modicum præjudicium generatur. Volentes igitur tuis & Ecclesiæ tuæ gravaminibus, prout convenit, obviare, præfatam indulgentiam penitus irritantes, nullas vires habere decrevimus, quominus in hoc jus metropoliticum valeas exercere; dantes prædictis Abbatibus firmiter in mandatis, ut auctoritate illius indulgentiæ vel aliquarum literarum super hoc directarum ad eos, procedere de cetero non præsumant. Datum Lateran. nono Kalend. Aprilis.

ELECTO, DECAN. ET
magistro Nicolao de Levennes
Canon. Cameracen.

Epist. 62.
Ut in literis
transmissis eisdem
de causæ cogitione
inter Præmonstraten.
& Prumiens. Ecclesias
vertitur super
possessionibus
de Hanapia, sublequens
clausula præcedenti
clausula præponatur.
Cap. Causam
quæ. de Rescriptis.

Causam quæ inter Præmonstraten. & Prumiens. Ecclesias super possessionibus de Hanapia vertitur, discretioni vestræ commissis meminimus sine canonico terminandam. Sed quia in literis illis animadvertimus fuisse insertum quòd si alterutra partium legitime citata præsentiam vestram adire vel iudicio parere contemneret, vos nihilominus præsentis partis probationes recipere, & quantum de jure possitis, in causæ cogitione ac decisione procedere minime tardaretis; Nos volentes ut clausula illa quantum de jure poteritis, quæ antequam de probationum receptione mentio fieret, fuerat inferenda, clausulam illam de probatione receptionum præcedat, discretioni vestræ per apostolica scripta mandamus, quatenus ipsam intelligentes ibidem, in eadem causa juxta tenorem literarum illarum procedere non tardetis; attentè proviso, ut si literarum auctoritate priorum in eodem negotio legitime est processum, firmum & stabile perseveret. Alioquin, si occasione clausulæ memoratæ aliquid consti-

terit in alterutrius partis præjudicium attentatum, id viribus decernimus carturum. Volentes nihilominus, & mandantes, ut in decisione ipsius negocij (sicut præmissum est) tam super principali quam super incidentibus quæstionibus appellatione remota canonicè procedatis. Nullis obstantibus literis præter assensum partium à sede apostolica impetratis. Quòd si omnes &c. Datum Lateran. xij. Kalend. Aprilis.

ARMACHANO ARCHIEPISC.

Volens fraternitas tua per responsionem apostolicam edoceri, humiliter à nobis expetiit, utrum mulieres statim post partum debeant Ecclesias ingredi, vel ab earum ingressu per dies aliquot abstinere. Licet autem secundum legem Mosaicam certi dies determinati fuissent, quibus mulieres post partum à templi cessarent ingressu: quia tamen lex per Moysen data est, gratia & veritas per Iesum Christum facta est; nos sanctorum patrum vestigiis inhaerentes, taliter tibi duximus respondendum, quòd postquam umbra legis evanuit, & illuxit veritas evangelij, si mulieres post prolem enixam acturæ gratias Ecclesiam intrare voluerint, nulla proinde peccati mole gravantur, nec Ecclesiarum aditus est eis aliquatenus denegandus, ne poenam illis in culpam convertere videamur. Si tamen ex veneratione voluerint aliquandiu abstinere, devotionem earum non credimus improbandam. Datum Laterani.

AVERSAN. EPISCOPO.

Fratribus & Coëpiscopis nostris in his quæ rationabiliter & honestè requirunt, apostolicum libenter imperitum assensum, & commissarum eis Ecclesiarum necessitatibus utiliter providemus. Eapropter venerabilis in Christo frater, tuis precibus annuentes, ac sequentes Canonum instituta, quicquid in Ecclesia vel diocesi Aversan. in promissionibus vel concessionibus præbendarum & beneficiorum factum est per potentiam laicalem, cassatur.

Epist. 61.
Quòd mulieri
post partum
acturæ gratias
non est Eccle-
siæ aditus de-
negandus.
Cap. 1. De ju-
rificatione post
partum.

Epist. 64.
Ve quicquid in
Ecclesia vel
diocesi Aversan.
in promissionibus
vel concessionibus
præbendarum
& beneficiorum
factum est
per potentiam
laicalem, cas-
setur.